

三官經注







光緒丙子年重鐫

板存永邑明德鄉四十六都陂頭熊宅倘有四方善信欲刷  
經散施者自備紙墨不取板費

文化遺產  
相繼傳承

# 三官經註解

凡善男信女每逢三元齋期悔過遷善持誦此經者神即  
賜福赦罪解厄若一心向善諸惡不作雖下持齋隨時沐浴更  
衣焚香誦經亦可感格神明而獲福矣

三官經註解



御製三元妙經序

太上三元妙經者乃天地水府三官大帝所著之真言也夫道惟

御製序

一元而是經以上中下列爲三元謂之三品屬之三官以主三界  
且述降生之祥封詔之典與夫崇奉靈應之迹以彰厥造化之妙  
始末暇論朕惟以賜福赦罪解厄之言觀之蓋生物者莫如天養  
物者莫如地潤物者莫如水斯三者物之所由成也三元之功於  
是爲大況夫天道有福善禍淫之理古昔聖王以神道設教亦惟  
使民遠罪以遷於善而已書曰天佑下民作之君作之師龍之四  
方有罪無罪惟我在又曰殷時五福用敷錫慶庶民故我

祖宗亦有勸善諸書頒佈中外所以爲民造福以全其生者類如此是即

天地水三元成物之意也是經其有助善爰用鑲梓以普慶惠并爲之序云

嘉靖四年十月丙戌朔製



御製

嘉靖 天地覆載 日月光明 玄靈顯應

靖道法隆興 氣含靈機 功參妙運

辛感而遂通 求之則應 輔正祛邪

卯演經戊訓 玉笈琅函 瞻者起敬

三官經註解自序

今之奉三官素者。靡然從風。指不勝屈矣。可惜世人夢夢。浮慕其名。而妄希福庇。不解其義。不明其旨。作惡於昭昭。求福於冥冥。有是理哉。蓋凡夫之人。迷失本性。縱其私欲。無所顧忌。卽舉心動念。罔非過惡。不必淫殺盜。而後謂之惡也。彼昏不知。自招孽報。良可悼嘆。故雖糾以王章。加以國憲。而頑然罔覺。惟示以果報之不爽。惕以陰網之難逃。庶悚然而知畏。此聖人所以神道設教也。但此經其旨顯其辭樸。而其要總欲人悔過遷善。以轉禍成祥。然智者可以意會。而頑蒙未必能驟悟。予奉三官素三十餘年。始終不敢少懈。每嘆衆人迷失經義。妄以爲既奉其素。則雖作惡。亦自無妨。而苟且僥倖。冀圖禍可。

三官經註解

免福可致。此又與於不善之甚者也。豈不謬哉。因訪求皇經註釋。及道藏各書。參訂考究。費兩月之功。苦心暮晝。必求發明經義。課爲註解一書。用以刊佈同志。俾覽者開卷了然。由解而悟。由悟而豁然懺悔。信受奉行。不徒作世俗祈禱之文觀也。庶仰體大帝憂世覺民之旨。以無負其慈悲度世之盛心云爾。

出目

皇清康熙辛未孟冬朔旦

豫章古淦陽弟子聶士豪敬識



全經總旨

聶士豪註釋

按此經總是教人改惡從善以求轉禍爲福其大旨不出於此皆實在道理非玄虛之說也初由救苦大仙在於天宮上白

道君言道君集會仙真講說經法而於光明之中照見大地眾生自違本性無惡不作略舉二十四端以概其餘自招苦報以致惡難脫身無處解免此皆自作自受非由外至者也此爲第一支

於是救苦大仙慈悲心切遂以眾生作惡招災之情轉懇於

天宮大帝求其巧施方便爲之開釋而大帝因其請願有同願遂教眾生踴躍懺悔齋戒誦經改惡從善自求多福故道君亦言卽有賜福赦罪解厄蓋天居高而聽卑禍福之機只在一念轉移感召

三官經注

之速捷於影響矣此第二支也

三元天尊駕雲行炁放光救苦凡諸惡業一概赦除所以奉

道君之法旨而實以行其本來之素志也乃太上諸仙無一不冷眼觀人熱腸度世無奈眾生沈淪惡孽不明善道若窮子之恃父此爲第三支

地官又言五刑十惡之人惡極罪大無可赦之條而天尊亦備言

十惡之人窮兇極惡損人利己使心用心及至到頭以此始必以此

終罪根固結於心地何從救拔蓋此輩自當伏誅於雷斧之下而冤

愆相併死有餘辜故累及於子孫以償其餘殃敢望赦乎此第四支

也



大仙悲憫心切不忍違舍復求於

天官欲於萬無可赦之中求其開一自新之路而

天官因大仙之再請教以大作罪惡誦經千遍自求懺悔蓋此半

罪業深重藥不暇眩厥疾不瘳非用猶急忽可倖免也經言斷惡修

善而復言心立志怎何也蓋心爲萬善之本而亦爲諸惡之根所以

佛言罪從心生亦從心滅心若忘時罪亦忘人若能洗濯其心而一

念不生則身心永滅罪何從起以至心忘罪滅惟見於空此即所謂

盡一歸正而耳目心定也蓋心立志忘四字爲全部之髓誦經者

亟宜著眼此爲第五支

道君又言世間惡疾總由造惡所致令人依經懺悔而屆期俱獲赦

三官經註解

除此第六支也

水官又言世間利害絕嗣者由前劫不修今生受之若能悔過誦經

如法修持便可得子其有故作謬爲之惡人或謀財負命冤債相保

以致產難又多生而不育獲此苦報者惟有齋戒悔過憑藉經力亦

可保全其母子而無難也蓋眾罪之浮沈如鞠露然經力之宏深如

杲日然露露見日有不自消自滅者乎此亦理之易見者矣以致福

及先靈恩沾六道而拔苦予樂化難生風上下逍遙皆由一念懺悔

之所致人亦何憚而不改惡從善乎此爲第七支

水官又言眾生星辰不順者諸病相侵以至修造不知方隅所忌致

生惡疾傳染亦惟有依經懺悔而罪滅福生矣其言經通天界福臨

人開。蓋天人匪遙。感而遂通。無柰世人夢夢也。至此則第八支矣。  
天尊又言。江河湖海之閒。一切商賈。冒風波之險。誠可憫憐。當其遭  
風波洶湧。顯天無路。搶地無門。誰爲救拔。亦惟有誦經。皈依於

三元大帝。及水府眾聖。以祈擁護。而經力弘深。難事易危。而安矣。蓋  
經之功德。不可思議。若此肉眼凡夫。慎勿以爲誑語。此爲第九支。

至末則經義已畢。又言若誦此經。隨力見功。蓋一切功德。皆由人機  
悔之力。隨爲淺深。非無因。而可襲取也。又言酌水獻花。其福自應。事  
天以寶。不取文。以誠不以偽。人能一念至誠上。感契天心。何患有  
感而不應哉。況能藏此經。而福佑其家。佩此經。而福庇其身。究其得  
力處。全在心念。不空四字。益必至一心皈依。屏除雜念。恪守經訓。如  
三官經註解

臨對越。無時不然。方可謂之心念不空。如此則不必言福。而福自應。  
故曰福力自然。此全經之大旨。故於此一拈出。以與同志商之。此  
第十支也。

### 諸呪說約

凡經必有呪。皆

太上秘密真言。所以統括一切神聖之隱名。令其護法。以保衛誦經

之人。利益眾生。毋使邪魔惱亂。蓋有文無義。不敢解。不能解。亦不必

解。但誦經者。只宜一心頂禮。掃除雜念。淨身淨口。調聲定息。朗誦數

徧。字句分明。久久必有靈驗。此所謂不解之解。而實深於解也。明者

可以意會。解人當自知之。



淨心神呪

太上台星 應變無停 驅邪縛魅

保命護身 智慧明淨 心神安寧

三魂永久 魄無喪傾 急急如律令

人心本淨。後何能淨。蓋由凡夫之人。失其本心。多積愆尤。而心非其心矣。故太上爲之說此淨心神呪。令人洗濯其心。自見本來智

三官經註解

五

慧。而心神安寧。然後可以誦經。而悟太上真詮也。台星卽三台星。所以主宰萬靈。而常淨常應。亦猶人之本然良心也。人能體此。則邪魅不敢干。命由我保。身由我護。而智慧自然明淨矣。魂屬陽。魄不離舍。則人不死。而與道合真。魄屬陰。魄不喪傾。則身常存。而四換骨。如律令者。太上敕令諸神。奉其律令而行也。

淨口神呪

丹朱口神 吐穢除氛 舌神正倫

通命養神 羅千齒神 卻邪衛真  
喉神虎賁 氣神引精 心神丹元  
令我通真 思神鍊液 道氣常存  
急急如律令

口神名丹朱。所以吐一身之穢氣。除四大之氛滲。而去濁雷清也。舌神名正倫。舌運神水。使周流灌漑。以通命根之源。而養神室之

三官經註解

六

丹。齒神名羅千。所以卻外邪使不入。衛真炁使不散。喉神名虎賁。所以引一身之精華。充滿於四體百骸也。心爲大丹之元。所以通達神明。默契天真。思屬意土。所以烹鍊津液。令其混合而成丹。如是而虛無生自然。自然生太極。太極卽是道。而混元祖炁。肇於焉矣。

淨身神呪

靈寶天尊 安慰身形 弟子魂魄  
五臟玄冥 青龍白虎 隊仗紛紜

朱雀玄武 侍衛我真 急急如律令

靈寶者。大道也。天尊與道合真。能安穩一切眾生。使其身形莊嚴。端正。無作妙有。由是而魂魄安其所。五臟遂其天。龍虎肝木肺金之神。隊仗嚴衛。以防外侮。朱雀玄武。心火腎水之神。侍衛整肅。以絕內馳。蓋一真如如。而天君奉定百體。無不從令矣。

淨土地神呪

元始安鎮 普告萬靈 嶽瀆真官

三官經註解

七

土地祇靈 左社右稷 不得妄驚  
回向正道 內外肅清 各安方位

備守家庭 太上有命 搜捕邪精

護法神王 保衛誦經 皈依大道

元亨利貞 急急如律令

坐土地者不獨安本方土地之神而已。凡屬護經執事之神皆在其內。自元始六句。敕諸神毋妄驚動也。回句四句。敕其各安方位而肅清內外。固守誦經者之家。使邪魔不得侵擾也。太上四句。是宣太上之命。令諸神搜捕邪精。而又囑咐護法飛天神王。令其嚴持護衛。以保此誦經之人。蓋經之所在。卽道之所在。至尊至貴。故太上珍重千萬。而丁寧囑咐。併護持於誦經者。況在承傳。敢敬祝乎。

### 淨天地神呪

天地自然 穢氣分散 洞中虛玄

晃朗太元 八方威神 使我自然

靈寶符命 普告九天 乾羅怛那

洞光太玄 斬妖縛邪 殺鬼萬千

中山神呪 元始玉文 持誦一遍

卻鬼延年 按行五嶽 八海知聞

魔王束首 侍衛我軒 兇穢消散

道炁常存 急急如律令

天地本淨。何所容淨。良由一切凡夫造惡非善。而濁亂元胞汙穢。天地三光。故太上爲說此咒。洗濯其兇穢。使見自性。是朗之天地。然後可以解悟經法也。洞中者。空洞而不偏倚。玄遠也。虛者無跡相之可執。是朗太元。卽元始。祖炁本體之光明也。由是而風動八方。威行三界。神妙莫測矣。乾羅二句。皆雷神隱名。蓋雷霆者。天地之正氣也。正氣行而邪氣有不斬艾無餘者乎。蓋此咒爲中山一

雷經註解

九

切仙真所說之神咒。而天尊秘藏金書玉簡之靈文。人能持誦。則能卻三尺之鬼。延浩劫之年。高帝至於五嶽澤而至於八海。罔不知聞。人能持誦。則化難生恩。一切魔王。向之與我爲難者。今則俯首侍衛而聽命。如是而兇穢自消。道炁自存矣。蓋其陰燦盡而太陽自現。此亦理之不誣者也。

金光神咒

心

天地玄宗 萬炁本根 廣修萬劫

妙  
信

三官經註解

十

證吾神通 三界內外 惟吾獨尊  
體有金光 覆映吾身 視之不見  
聽之不聞 包羅天地 養育羣生  
受持一徧 身有光明 三界侍衛  
五帝司迎 萬神朝禮 役使雷霆  
鬼妖喪膽 精怪亡形 內有霹靂  
雷神隱名 洞慧交徹 五炁騰騰  
金光速現 覆護吾身 急急如  
玉皇元降律令敕

金者堅剛之義比於人之本性元明而言也由其至堅至剛萬物  
不壞則本體之光明徧照三界如太上天之放毫光是也呪者太上



統括一切神靈之隱名。使其設法利益誦經者。其義正可意會。不敢言傳。亦惟以不解解之耳。

# 開經玄蘊神呪

雲篆太虛道劫之初乍遐乍邇

或沈或浮五方徘徊一丈之餘

天真皇人執筆乃書以演洞章

三言經註解

十一

次書靈符元始下降眞文誕敷

昭昭其有冥冥其無沈疴能自痊

塵勞溺可扶幽冥將有賴由是昇仙都

玄者深遠之謂。蘊者蘊藏一切甚深微妙之道法。雲篆太虛者凡

一切仙眞所親書神呪洞章之文。皆類雲篆。而秘於太虛之中。浩

劫之初。謂無始以來也。乍遐乍邇。邇言恍惚不可爲象。五方徘徊。蓋

五方五行之浩氣徘徊於此而不散。一丈之餘者。按皇經註釋云。

天宮秘書靈文。每字廣長有一丈之大。天眞四句。言皇人按筆先演無上洞章。而次書靈寶之符命。蓋此洞章靈符。其先皆秘藏天宮。至元始天尊。而始以此下降。流傳於世。而後下方世界。乃得誡敷此眞文也。其有其無。總之不可思議。之謂。蓋大道無名。安得言有。大道無妄。安得言無。學者可意會。而不可言傳也。沈疴四句。言人若能解悟此神呪。而如法修持。何災之不可消。何福之不可致。是故疴自痊。溺可扶。由此而身歷仙階。不難矣。總之。人心最靈。人身難得。禍福之分。只在一念。敢不戒哉。敢不懼哉。

上言呪不敢解。恐洩秘獲譴。又以義實深奧。不敢妄解也。此復逐一而略言之。正欲使誦者粗知其理。不致眩惑。乃知此經爲太上之所珍重。一切神聖之所呵護。自不敢輕褻大寶。而必信受奉行也。

三官經註解

十二

開經寶偈

寂寂至無宗

虛峙劫仞阿

豁落洞玄文

誰測此幽遐

一入大乘路

孰計年劫多



不生亦不滅

欲生因蓮花

超凌三界途

慈悲解世羅

真人無上德

世世爲仙家

三官寶頌

稽首皈依天地水

三官大帝慈悲主

三官經註解

十三

神功妙德不思議

謹運一心皈命禮

上元天官寶誥

志心皈命禮

玄都元陽紫微宮中。部三十六曹。

偕九千萬眾。考較大千世界之內。

錄籍十方國士之中。福被萬靈。主  
眾生善惡之籍。恩覃三界。致諸仙  
升降之私。除無妄之災。解釋宿殃。  
脫生死之趣。救拔幽苦。羣生是賴。  
蠢動咸康。大悲大願。大聖大慈。

上元九炁。賜福天官。曜靈元陽大  
帝。紫微帝君。

中元地官寶誥

志心皈命禮。

青靈洞陽北都宮中。部四十二曹。

偕九千萬眾。主管三界十方九地。  
掌握五嶽八極四維。吐納陰陽。覈  
男女善惡青黑之籍。煮育天地。考  
眾生錄籍禍福之名。法源浩大。而  
能離九幽。浩劫垂光。而能消萬罪。  
羣生父母。存沒沾恩。大悲大願。大  
聖大慈。

中元七炁。赦罪地官。洞靈清虛大  
帝。青靈帝君。

下元水官寶誥

志心皈命禮

暘谷洞元。青華宮中。部四十二曹。  
偕九千萬眾。掌管江河水帝萬靈  
之事。水災大會劫數之期。正一法  
王。掌長夜死魂鬼神之籍。無爲教  
主。錄眾生功過罪福之由。上解天  
災。度業滿之靈。下濟幽局。分人鬼  
之道。存亡皆泰。力濟無窮。大悲大  
願。大聖大慈。

下元五炁解厄水官金靈洞陰大

帝暘谷帝君。

陳世瀾誦讀經文

起經

經

太上三元三品三官大帝賜福赦  
罪解厄消災延生保命妙經

太上者無上之謂。三元者天地水一炁化三各有元始之義。非止  
謂正七十月之十五日爲三元也。品猶類也。三品者言三元分隸  
於天地水各有所司。官者主宰之謂。大帝者帝中之帝。至大無以  
復加者也。消災卽賜福之謂。延生卽赦罪之謂。保命卽解厄之謂。  
三官經註解

十七

妙者神化莫測不可思議。經者徑也。猶  
路也。人當遵此如法修行。自求多福也。

爾時救苦大仙在大羅天上九炁  
紫微天宮上白

道君曰。集會三元天地水官三界

四府眾聖。曹官考較司同諸仙眾。

講說經法。救拔眾生。放大光明。照見天下萬國九州之地。江河湖海之內。閻浮世界之中。受苦眾生。造惡非善。廣結冤仇。多行不足。財交不明。不敬天地日月三光。呵風罵

雨。欺神滅像。瞞天昧地。褻瀆聖賢。不敬父母伯叔六親。奸盜邪淫。不忠不孝。非禮非義。斷絕往來恩路。不重五穀。穢污遭踐。不行正道。大

斗小秤。明瞞暗騙。橫言曲語。白口



呪詛。怨天恨地。不恤己身。不修片善。

天不容地。不載。致生惡毒。多起瘡。

瘡。多招訟非。輕重難逃。故作事。因。

得此苦報。惡難臨身。無處解釋。

此第一支

爾時者。猶言當日。凡經多用此二字開首。救苦大仙。卽是乙尋聲救苦天尊。大羅天。卽太上彌羅無上之天道。君所居。所謂天中天。

三官經註解

一九

萬神之所朝禮者也。九炁者。由元始祖炁。混沌之先。分三炁而生三天。又化爲九炁。而生九天。以至化大羅。上清。玉真。三十六天。總之。皆由元始一炁化生也。紫微宮。北極之樞紐。生生化化所出也。上白道君者。大仙請於道君。欲備陳眾生造惡之因。三元不言火者。蓋以天一生水。而地二卽化生火。則第言水。而火在萬中矣。三界。天地人也。四府。天地水陽也。眾聖曹官。皆一切神聖。列曹分職。各有所司。以考較眾生之功罪者。道君欲救拔眾生。故同諸仙眾。講說經法。放大光明。照見天下萬國九州者。該六合之外內而言也。江河湖海。則盡乎水際。閻浮世界。卽南閻浮提。娑婆世界也。達惡非善四字。似有二義。善惡不兩立。若造惡。必不能善。此一義也。

善惡不相容。造惡之人嫉善如仇。如桓魋欲殺孔子。提婆計射如來。此亦一解也。必合此二義看方備。蓋此四字是眾罪之根。苦報之源。下文諸惡無不由此發生。人生世間一切冤仇可解而不可結。彼不但結而且廣結。何也。惡人所作所爲無非拂人之性。彼自不覺只怪他人不遂其所欲。不順其所爲。縱其毒惡之性。肆其兇狠之行。與人爲難。與物爲爭。結怨無休息也。多行不足者。惡人貪心最熾。得此望彼。無有足期。陰司所以有無厭地獄也。蓋其所行無一而非起於不足之念。財交不明。財者人情之所最易漏者也。一切曖昧之私。莫不皆由此起。語云。財利分明大丈夫。然此話人說得未必人人做得。何也。凡於財利之中不能裁之以義。稍有

三官經註解

二十

委曲自便之私。皆說不得分明二字。況惡人乎。天地覆載也。三光日月星也。人生於世。鴻焉中處。非賴覆載之生成。三光之照臨。則此身何由托命。惡人不明本體。而冥然不知所敬。其無忌憚極矣。風雨者。天地生成之德。風以散之。而以潤之。其或疾風暴雨皆上天之所以示怒。君子因之恐懼修省也。此則敢於呵罵。則亦何所不忍哉。神像者。神何藉於像。而像教設之。所以使人見像皈依。生其敬畏之心。易所謂聖人立像以盡意也。彼則肆爲欺滅。視爲泥塑木刻而已。凡一切惡人。其心與禽獸無異。懵然無知。悍然不顧。與之言天理。則曰我見多少。不要天理的。越發昌盛。甚麼天理。就能算記得我與之言王法。則曰我見多少。不怕王法的。愈加發財。



幾曾王法就能拘管得我。況杳冥之神像乎。天地者。乾坤覆載。萬物化生。昭昭其有。冥冥其無。無耳而聽。無目而視。居高聽卑。無言而化。今則欲瞞之昧之。此惡而愚之甚者也。聖賢者。垂教萬世。爲天地立心。生民立命。而開萬古之聵聵者也。乃敢於褻瀆。由其不敬天地。以及神靈聖賢。故卽生身父母。以及至親伯叔。以至疎遠六親。無不肆其兇狠之性。縱其狗彘之行。而概不知所敬也。奸盜邪淫者。卽殺盜淫三惡俱備也。不忠其君。不孝其親。此罪大惡極。按陰律。當入無赦地獄者。而且在物不循其理。處事不合於義。則又何所不至哉。往來思路者。人生於世。情有恩相聯。以爲往來交接之路。彼既全無人心。又安得有人道。故曰。斷絕五穀者。人所賴

以養生。而粒粒皆辛苦者也。彼不惟不知愛重而愛惜之。而且穢汙遭踐。視若糞土。豈復有人理哉。而所行又安得有正道。大斗以量進。小秤以稱出。此等罪業。人皆習爲常事。而不知戒。豈知天律嚴重。惡滿則雷神擊之。何則。惡其恬不知戒。積日久而害人多也。易曰。惡不積。不足以滅身。我願眾生。勿以惡小爲無傷。而弗去。明瞞昧其物。暗折騙其財。此惡人狡猾之伎倆。是其生平所最得意者也。橫暴其言。以嚇恐於外。詭曲其語。以蜜誘于中。皆所以欺人也。自口者。以無爲有。以有爲無。見說不見。見說見。呪者。呪怨他人。詛者。假恨自己。其實呪人之意多。而詛己之意少。皆所以自欺也。由是不得於天。而只知怨天。不得於地。而只知恨地。全無愧悔。

人心絕矣。人身豈可復得。今雖覩然而人面實獸心也。形從心生。自此而死。入阿鼻地獄。披毛戴角。一任冥司差遣。欲求人身。萬劫難逢。今日安知自恤哉。片善者一言一行之善。皆是惡人以小善爲無益而弗爲。以致自絕於天。而天不容。自絕於地。而地不載。此惡之造到至極之地。無以復加者也。故惡毒之災。由此而致。瘟疫之害。由此而起。訟非之招。由此而多。惡重則報重。惡輕則報輕。秤盤星分釐不爽。復何所逃避哉。原其所以致此者。總由知法犯法。故意作惡事之因。而由因得果。惡積而不可掩。罪大而不可解。苦因苦報。理之當然。不從天降。不從人爲。皆其自己故作而應得者也。及至惡難臨身。悔之已晚。斯時也。自作自受。無可代倩。何處是解。眾生早早回頭。

三官經註解

二二

於是救苦大仙。端簡上告。

三元天官曰。善哉善哉。此等眾生。

遭刑苦難。若有善男信女。皈依三

元齋戒三年圓滿。命道轉誦此經。

三五十遍。千五百遍。踴躍懺悔。悔。

過愆尤。道君曰。卽有天官賜福。

地官赦罪。水官解厄。

此第二支

斯是幸荷大仙。悲憫眾生。端請于天官。求其轉旋。而天官亦贊歎其所請。故曰善哉善哉。於是教人齋戒。誦經。踴躍悔過。以贖前愆。

太上經註解

二三

庶幾轉敗爲功。然所謂齋戒者。非但不飲酒茹葷也。必此心湛澄。一而不雜。肅然儆惕。而知戒。然後可謂齋戒。所謂誦經者。非徒口誦。及請人代誦已也。懺者止也。懺其後過未作之惡。斬釘截鐵。不敢仍作。悔者愧也。悔其前非。已作之惡。自怨自艾。不敢再犯。此則是名真懺悔。道君者。太上玉宸大道君。居紫霞之上。七映之天。九炁紫微之宮。卽大仙前所上白之道君也。至此而道君亦允大仙所請。故曰卽有賜福赦罪解厄云。

於是告下。三元天尊。卽駕五色祥。

雲行九炁清風至都會府雲臺山  
上放大毫光廣大惠力無邊法顯  
濟民救苦福應萬靈諸天升降除  
無妄之災解有讐之愆賜千祥之  
福脫九厄之難離三途之苦癡蠢

康泰削去原罪拔除冤根永消愆  
尤父母存亡沾恩離苦四生六道  
餓鬼窮魂孤魂野鬼九玄七祖未  
離地獄之中存亡眾生枷鎖  
囹圄蔽塞於是地官至七月十五

日。卽與獄囚。地獄受苦眾生。除罪簿。滅惡根。削死名。上生籍。已去提。未去提。已提至。未提至。已結證。未結證。已發覺。未發覺。逢赦除之。

此第三十二

天尊卽大帝也。奉道君之旨。駕祥雲而行清風。俯臨下界。雲能致雨。普潤一切。風能鼓物。鼓動萬靈。蓋大帝駕臨。雲從而風御。使萬

三官經註解

二五

物無不得其所也。五色五方之炁。九炁九天梵炁。都會府。摩仙會集之府。雲臺山。卽今山東登州海島之山。大帝降生修真之所也。放大毫光。所以普照萬靈。令其自見本性元明。不爲諸惡障礙。而翻然會悟。改惡從善也。慧力者。大帝智慧之力。法徧沙界。無有邊際。以此濟度生民。救拔苦難。自然罪滅福生。諸天升降者。言大帝出入天表。普爲利益眾生。故無量之災。自外至者。從而除之。有仇之愆。由己作者。從而解之。由是而福賜千祥。九厄者。在仙真爲九天九炁之清風。在眾生爲九幽九厄之苦難。其所以相照。猶善惡之在善與惡之間而已矣。如此而善惡無知之人。亦獲康寧。而解其原罪。除其冤根。以消其愆尤。然則天地眾生。又安有不蒙其救哉。

者哉。由是而眾生父母。無論存亡。皆獲沾恩。四生六道者。胎卵濕化。爲四生。天道人道。修羅道。地獄道。餓鬼道。畜生道。爲六道。以及幽冥下鬼。上達始遠高會。久閉冥獄。滯于罪業者。無不離苦。而均沾天尊之福。於是地官至七月十五。一概赦除。總之天尊慈悲。方便。慈能拔苦。悲能予樂。開自新之路。開肆赦之門。使俾罪孽眾生。個個改惡從善。而盡置之蓮花座上。以還天清地寧。復乾正氣也。按此圈圍蔽塞而赦之者。爲地獄之亡魂而言也。而兼言存者何也。幽冥錄云。人生在世。罪大惡極者。陰司必預先繫其魂而訊鞠之。以定冥案。俟其命終。如法施行。所謂速報司也。我勸世人。毋謂幽明迴隔。渺不知畏也。

三官經註解

二六

地官曰。五刑十惡等罪。永不赦除。

天尊言。

賜入聲。壽入聲。音明。音語。  
顓顓。齟齬。

蛇牙虎口。心如

錐刀。惡毒之人。鬼眼鬼心。多計巧

言。噴瞞。痴愚。蠢子。何知。割他肉。不

念他貧。只念己富。肥家潤身。使心



用心返累己身心根結成罪根難滅貪財利己天雷霹靂瘟氣流傳

纏害身體冤愆相併併及子孫

此第四支

此地官言彼雖職司赦過而五刑俱犯十惡全備之人罪大惡極永無可赦之條不得違公義而樹私恩也天尊亦備言十惡之人用心兇狠象貌獍獍而殘忍刻毒害人多矣此輩自作自受應當加以雷霆之誅戮而餘殃及于子孫敢望赦乎顯顯者言語之間

三官經註解

二七

欲言不言以令人疑齟齬者半吞半吐以啓人惑此惡人之機械也蛇牙言其毒虎口言其兇心如錐刀言其立心之尖利肆害惟恐不深人一遇之鮮有能自免者鬼眼歪邪也鬼心邪曲也多計者變詐橫生巧言者利口兩舌以此而欺哄瞞昧於茹蠱愚暗之人雖割其肉彼亦不知陰受其毒而不悟也如此使盡機關用盡變詐總爲肥身潤家之計豈知天道好還若以此始必以此終始而食人終當爲人所食必致返累己身也蓋此諸惡總由一心所造日積月累以致根深蒂固欲求罪根斷滅豈可得哉蓋貪財利己之人上干天憲故當斃於雷斧之下有召沴戾故必瘟氣傳染以殺其身而冤愆猶未已也由其年久日深肆毒於人而冤不釋

積惡於己而愆日甚。二者相併。死有餘辜。併及子孫。所謂積不善之家。必有餘殃。況可赦乎。

於是救苦大仙再告

天官。天官曰。轉誦此經。至滿千遍。大作踴躍。悔過愆尤。惡修善。卽有地官赦罪。所有惡孽愆尤。俱

三官經註解

二八

一赦除心

音忍 音感

心志盡一皈依恍恍惚

惚耳目心定神魂安靜精神復舊

罪滅福生無量功德其福無邊

此第  
五十一

此見大仙慈悲心切。雖于十惡之人。終不忍棄。再懇求于天官。天官因大仙之再請。復爲開方便之門。令其懺悔。但此等惡人。別無可轉之路。惟有轉誦此經。口誦心維。一一體味經中之言。知根之所由起。依懺悔之法。知罪根之所由滅。踴躍鼓舞百信。



凡諸惡念。一刀兩段。永不再犯。凡諸善念。精進勇猛。惟日華華。必如此。而罪方可滅矣。罪滅則福自生。故地官亦有赦其前此之惡業也。蓋太上慈悲苦心。每於萬難解救之中。而巧施方便。必欲拔濟而安穩之。所謂視眾生如一子也。子雖不肖。終不忍絕。由是而前日之惡念漸除。今日之善心復發。忘惡即懇禱之意。言其善心復現也。故盡一于善。而無惡歸命于正。而無邪恍惚之閒。天心來復。而耳目還其聰明。心思歸其睿智。元神安泰。魂魄寧靜。以至心君泰定。而精返其元神。守其舍。有不復舊者乎。如是而何罪不可滅。何福不可致。功德無量。故其福無邊。可見天堂地獄。不必遠求。只在人方寸之間。一心作惡。即地獄之深根。一心轉善。即天堂之捷徑。禍福無不自己求之者。豈不信哉。

三官經註解

二九

道君曰。世閒眾生。招瘟惹災。毒氣流行。眾生染着。皆是造惡非善。冤仇相併。致生惡疾。淹延未愈。若誦此經。病即痊愈。若誦經者。至端陽

中元之日卽有 三元追回行瘟

等眾考較輕重等罪俱一赦除

此第六支

此是道君爲瘟疫者開一却瘟之法門蓋瘟火之患非屬無妄必有所以招之惹之者而行瘟等眾乃得而瘟之災之也總由造惡非善四字所致惟有依經懺悔改惡從善則能改禍成祥以蒙 三元於恤肆赦之條也矣

水官曰世閒夫婦命犯孤辰寡宿

三官經註解

三十

刑害絕嗣皆是前生不施今生受之若有善男信女晨夕好靜沐浴焚香燃燈誦經修齋布施悔過消刑便生端正有柜之男聰明富貴之子聲震五湖四海宿世今生故

作誤爲謀財負命。今世爲兒取命。  
化財。女人妊娠。三朝五日不行分  
娩。或在身兒亡。生下兒亡。三六九  
歲兒亡。十二五歲兒亡。一日一夜  
萬死萬生。俱是冤愆相臨。化目化  
財。協騙財物。化爲畜生。若有善男  
信女。發心施財。齋戒沐浴。轉誦此  
經。悔過愆尤。即使愆尤永釋。人鬼  
分離。產生無難。母子雙全。關煞無  
刑。生長成人。利益雙親。經力弘深。

祈福福至。禳禍禍消。天尊言。仇人  
冰泮。冤家債主。自消自滅。孤魂等  
眾。九玄七祖。四生六道。輪迴生死。  
出離地獄。卽往東極天界。救苦門  
庭。救苦地上。好修行。只有天堂無  
地獄。閻王一見。不敢高聲。童子夜  
叉。擎拳拱手。牛頭馬面。總盡皈依。  
一十八重地獄。獄獄逍遙。三十三  
天天宮。宮宮自在。超生天堂之境。  
卽無地獄之聲。出離地獄。永離苦

難徑往人天超生淨土快樂無量

一去一來無罣無礙

此第七支

此是水官爲乏嗣者開一求子之法門。蓋言凡人艱於兒女。以致絕嗣。非屬無因。皆由前生慳吝刻薄。拔一毛而利天下。不爲故。今生受此慘報。何則。財利者。生人之血脉。宜於流通。使各得其願。今只知自私自利。一文不捨。是斷生人之血脉也。宜其如此。每見世人乏嗣者。多坐此弊。惜乎人不悟也。但能一念悔悟。依經懺悔。所謂眾罪如霜露懺悔。如果日霜露見日。有不消融者乎。佛經言罪

三官經註解

三三

從因緣而起。亦從因緣而滅。懺悔者。滅罪之因緣也。求男子得男子。理固然耳。又言其有惡人。故作誤爲。以至謀財害命。而冤魂取償。生生世世。決不暫離。或投胎於其家。而索其命。以花費其財物。至于女人妊娠產難。畢至。而所生之兒。或速亡。或夭折不等。生生死死。如蟻旋磨。總是冤家來到。或有所生之兒。伶俐乖巧。以愚哄其眼目。多驚多疾。以花費其錢財。此皆謀財害命之報。然此但舉其花報而言。若論此等罪案。慘動天地。憤極神人。明有王法。幽有鬼神。終當顯受誅戮。死入地獄。萬劫不生育者也。至于協謀而騙人之財物者。奸計百出。狡詐橫生。雖無畜生之形。而已是畜生之心。墮隨心化。相從心生。必然死後化爲畜生。以償其前生所騙之財。

物乃一定之理也。諸如此類。別無出脫之門。惟有依經懺悔。將從前之惡。從今日而死。將來之善。從今日而生。則前此之冤鬼。亦獲超釋。可不爲害。而此人之身。亦獲安全。可保無事。故曰人鬼分離。而產生無難。且生子成人。而利益其親也。總而言之。由經力弘深之故。依此懺悔。無不可懺之罪。無不可求之福。所謂如一切願是也。由是冤消。而且利及祖先。以至輪迴之六道四生。皆得藉經力而生天矣。東極者。生生之天。東華帝君主之。救苦者。卽救苦大仙也。人能至于此地。則有善而無惡。故曰只有天堂。無地獄。自能化難生恩。森羅殿上。回嗔作喜。阿旁羅刹。見善皈依。由此而于一切地獄天堂。逍遙自在。以至頓超無漏。得生九品淨土蓮花世界。故

三官經註解

三四

去來皆無罣礙。心無罣礙。則無恐怖。遠離顛倒夢想。受想行識矣。然則人能一念自新。則火坑化爲蓮池。阿鼻轉爲天宮。奉勸世人。何苦不肯改惡從善。而偏要闖入一十八重地獄也哉。宜早自猛省回頭。

水官曰。天下眾生。星辰不順。運限遲留。凶曜沖併。多生疾病。或瘟病相侵。或痢疾瘡毒相侵。或腫毒疥



癩相侵。氣候喉瘡相侵。咽喉風毒  
相侵。泄瀉風痰相侵。祖塚瘟氣相  
侵。住基風水相侵。邪師敗聖相侵。  
火眼癆瘵相侵。吐血蠱毒相侵。白  
口咒詛相侵。刀兵火盜相侵。水渰  
顛狂相侵。吊頸枷鎖相侵。穢門閉  
障相侵。年月日時不利相侵。砍伐  
壇廟樹木相侵。宅坑動土相侵。開  
基開沼相侵。添新換舊相侵。修前  
整後相侵。瘡疾疹痘相侵。瘟災瘟



氣相侵。官符口舌相侵。致生惡疾。  
來纏。眾生染着。至於喪亡。若誦此  
經。即使惡疾不纏。吉星相護。凶曜  
退散。萬禍冰消。千祥雲集。經通天  
界。福臨人間。此第八支

三官經註解

三六

此水官又爲眾生患病者。開一法門。人生疾病。多由星辰沖併。運  
限尅傷。故致諸病纏身。又或家下修造動土。不知方隅吉凶。無所  
忌諱。以致患生。又有力兵水火盜賊官非。外患疊至。無可解免。亦  
惟有依經懺悔。轉禍成祥。蓋天人一理也。天居高而聽卑。人心卽  
天心。故曰經通  
天界。福臨人間。

天尊言。天下眾生。江河湖海。舟航  
商賈。風波洶湧。驚惶憂懼。若誦此

經。皈依 天地水官水府眾聖。卽

使風恬浪靜。水途安妥。舟航穩載。

繩纜堅固。所謀順遂。諸神擁護。萬

神錫福。

此第九支

此天尊又爲眾生行舟涉險。開一法門。人生涉險。莫甚於舟航。一旦風波洶湧。危急存亡之頃。呼天不應。入地無門。惟有誦此經而

三官經註解

三七

一心懺悔。便可易危而安。保無覆溺之虞。蓋能皈依大帝。卽爲心大帝之心。而水府眾聖諸神。奉大帝之命。無不擁護而錫福。蓋天爲天中天。聖中聖。其言眞實。必無誑語。此余於二十餘年前。在左道遭風壞舟幾沒。呼籲於帝。而卽獲免。故至今奉行大帝之訓。不敢有違。

於是天尊而說偈曰

凡經必有偈。所以統括經旨。咏嘆而使人敬聽者也。

九炁青天上

日月星斗眞

天地水官帝

雲雷電鼓隨

金童執華旛

玉女捧香花

五色祥雲內

放出白毫光

照一切天下

顯身救眾生

慶雲祥煙護

拔離諸苦難

三官經註解

三八

興雲布紅雨

驅雷掣電行

捲起揚塵土

神氣威猛烈

廣大智慧力

法願無邊濟

無極無量法

無量度眾生

無極無量光

照見諸鬼眾

一切冤家冤

盡離地獄中

存亡諸眾生

一切離苦難

九炁者。卽前九炁紫微宮也。今曰青天上。則爲無頂之天。集日月星斗眞蓋大帝。巡行則諸眞扈從。而雷轟電掣。華幡香花。儀仗擁衛。由是駕祥雲而放毫光。徧照法界。無有障蔽。正使種種眾生。各自見本性之元明。于之顯身救度。烟雲繚繞。以拔離苦難也。此段初言救難之由。與雲二句。譬喻之辭。如法華經云。一雨普潤是也。蓋眾生自作罪孽。剝喪其良心。如苗之過旱。枯槁憔悴。生機將絕。

三官經註解

三九

蒙大帝法力救援。亦如久旱之後。雷雨作而生機勃然矣。良由大帝爲無極之眞元。自有無量之法度。而無極光中。能爲一切眾生眼目。月屬綿綿。亡魂爲冤鬼所控質。而不能離者。萬古長夜。度日如年。蒙帝之毫光。則愧悔自生。冤家自釋。而存亡沾恩。化苦爲樂矣。

天尊說經已畢。若誦此經。隨力見

功。酌水獻花。其福自應。家有此經。

宅舍光明。災難無侵。佩帶此經。萬

完經

神擁護。鬼崇永滅。心念不空。福力自然。神力扶持。隨心應口。此經共計一千六百七十五字。字字真詮。句句消愆。行行滅罪。卷卷賜福。一切諸天上帝。三界十方眾聖。聞說此經。皆大歡喜。信受奉行。作禮而退。

此第十支

三官經註解

四十一

至此而天尊所說之經已畢。下總言此經之有益於人。而天尊至貴。隨人懺悔功力之淺深。而其效驗之大小。無不如之。酌水獻花。言只在一心頂禮。無取供獻之文。人能心心懺過。念念有新。由經而知悟。由悟而力行。則去道不遠。其福自然。若有厭必有應。不厭勉強自然。而然者也。況能藏此經而福庇其家。倘此經而福庇其身。神欽鬼伏。誰爲祟乎。按心念不空四字。爲之髓。前言造惡。

非善。是推究其作惡之根。此言心念不空。是開示其懺悔之本。蓋此經得力處。全在懺悔二字。而心念不空。又爲懺悔之總持。是必運善改過。心常惺惺。爲善去惡。雷厲風行。不敢使頃刻之放逸。方說得个不空也。大抵人生禍福。總由一心所造。心句於善。卽爲福基。心起于惡。卽爲禍本。況爲善者。天之所祐。而神力有不扶翊者乎。隨心應口者。事隨感而應。不待安排計較者也。末又總計經中之字。而言其字句行卷。無一不利益於人。使人知尊重此經。而不可輕棄天寶。以昧太上垂訓之真詮。況一切諸天上聖。無不聞之。而歡悅必信受奉行。不敢負太上之慈懇。五濁凡夫。可藐視乎哉。

太上三元賜福赦罪解厄消災延生保命妙經終

三官經註解

四一

太上元始天尊說三官寶號

爾時元始天尊在大羅天上。八景宮中。諸天神王。日月星宿。上聖高尊。無極聖眾。說無上至真妙法。有一真人。名曰赤腳大仙。越班而出。



擎拳長跪。上白天尊曰。下界人民。  
 或有水火刀兵。疾病生產。鬼魅精  
 邪。天羅地網。一切厄難。何由救免。  
 天尊曰。得道神仙。皆從三官保舉。  
 下方生人。但持三官寶號。能除厄  
 難。悉皆消滅。吾今授爾下世流傳  
 人間。看誦者。得福無量。消一切厄。  
 卽說寶號曰。

元太也。始者最初之義。自兩儀未判。三才未分。太始之初。炁輝  
 淪凝結而成聖胎。化生天尊。故曰元始天尊。大羅大卽太二彌羅  
 無上之天。八景者。猶言八面八方。宮中者。至中至正之天。元始之  
 所居也。前言九炁。此言八景。蓋上聖臨御之處。各有隨身宮殿。總

由浩炁結成，不假作爲。諸天神王，八方諸天，各有飛天神王，日月  
星宿，各有真仙上聖。上聖者，無上之聖，高真者，最高仙真。炁極聖  
眾皆無始以來，無極而太極，成眞之聖，說無上至眞妙道者，所以  
闡揚太上眞功實行，神妙莫測之法，以開萬古之羣蒙也。蓋道爲  
至尊，無以復加其上。道爲至寶，必無虛假於中。道爲至神，必非聲  
臭形色可擬。故曰：無上至眞妙道，有一眞人，言有一得道成眞之  
人，赤腳大仙，其別號也。越班而出者，蓋天尊臨御，則眞仙上聖莫  
不列班侍從。大仙之所以長跪而請者，由其悲憫下界凡夫，自違  
本性，枉入迷流，積惡多端，以致招惹一切厄難，略舉水火等八事，  
以概其餘。蓋眾生積愆所致，則有水、火、刀、兵之報，積貪所致，則有

疾病生產之報，積痴所致，則有鬼魅精邪之報。各以類應，果報不  
爽，此皆一切惟心造。大仙慈悲，特甚懇於天尊，爲眾生開一救免  
法門也。天尊因大仙所懇，故遂言得道神仙，皆從三官保舉，則大  
帝爲羣仙之領袖，所謂仙中仙也。法力無邊，安有不能爲眾生救  
免厄難者乎？持寶號者，非止口誦，必當心心志，改惡從善，皈依  
懺悔，儼如對越，則無難不可消滅。授爾流傳者，蓋太帝寶號，秘藏  
天宮，非下界之所得窺。而天尊慈悲救世，不惜金針度與人，故  
卽授與大仙，下傳於人，使其看誦，如法修行，故厄難爲福履也。

北極玄宮 紫微帝庭 泰山岱嶽

水國清冷 網維三界 統御萬靈

校籍善惡攸分

齊州戒

三元牒籍 普應攸分 齊戒禮誦

無量壽消災釋罪降福延生

至真妙道 功德無邊 大慈大願

大聖大慈

王守仁

上元一品賜福天官紫微大帝

清風大幸

下元三品 腎元水官 潤陰大者

三元壽考三百六十歲

大青島人考校官

爾時赤腳大仙與諸天神王眞仙  
大眾聞諸寶號皆大歡喜作禮稽  
首而退信受奉行

此上卽寶號也。北極、北斗之樞紐。紫微帝庭。卽天宮。紫微大帝之庭也。泰山爲東嶽主生物之仁。而大帝道場今在雲臺山。亦隸泰山。雲臺爲大帝化生之所在。登州海島故曰水國清冷。三界者。天地人也。網維者言其爲三界之紀綱維繫。而萬靈無不聽命。每

三官經註解

四五

於三元之期較訂人罪善惡之籍。至此而善惡不能混淆矣。世人若能於此時仰體懺悔。湛然澄一而齋肅然微惕而戒禮誦此寶號。則無量光中默垂庇佑。凡有所祈事事如願。災自消而罪自釋。福可賜而生可延。所謂無上至眞之妙道。妙道無邊。則功德亦無邊矣。大悲大願。至孝至曹官。總言寶號以及侍從仙眞。未言稽首奉行。則所謂看誦者。非徒眼看出口誦必在眞體而行之也。明上聖且然。況下界凡夫乎。着眼着眼。

太上元始天尊說三官寶號終



